

ДИО ТРЕЋИ – УЧЕСНИЦИ ПРОГРАМА**Члан 17.**

(Право учешћа)

- (1) Право учешћа на Јавном конкурсу имају потенцијални корисници описани у дијелу Јавног конкурса који се односи на категорију корисника средстава.
- (2) Сједиште, односно пребивалиште свих категорија корисника средстава треба бити на подручју Федерације Босне и Херцеговине.
- (3) Влада може утврдити да корисници средства у одређеном пројекту буду и субјекти мале привреде чије је сједиште на подручју Босне и Херцеговине.

Члан 18.

(Корисници који немају право учешћа)

Право учешћа на Јавном конкурсу немају:

- a) корисници који имају активне забране по основу раније добивених финансијских средства Министарства;
- b) потенцијални корисници који имају евидентиране дугове по основу јавних прихода (свентуално изузеће уколико клијент има споразум о репограму обавеза);
- c) потенцијални корисници којима је изречена правоснажна пресуда за кривично дјело учешћа у криминалним радњама, за корупцију, превару или прање новца.

све остale категорије корисника, те потенцијалних корисника који немају право учешћа на Јавном конкурсу дефинисат ће се Смјерницама.

ДИО ЧЕТВРТИ – ПРАВА И ОБАВЕЗЕ УЧЕСНИКА У ПРОВОЂЕЊУ ПРОГРАМА**Члан 19.**

(Уговорање)

- (1) Министарство закључује Уговор о додјели потицајних финансијских средстава (у даљњем тексту: Уговор о додјели) са подносицом пријава са коначне листе корисника бесповратних средстава. Уговор о додјели дефинише међусобна права и обавезе уговорних страна, начин и динамику утрошка додијељених финансијских средстава.
- (2) Закључивање Уговора о додјели са крајњим корисницима обављат ће се у просторијама Владе, Министарства или другим мјестима, о чему ће се крајњи корисници на вријеме обавијестити. Уколико постоји оправдан разлог за немогућност долaska неког од корисника на потпис Уговора о додјели, дозвољено је примјерке уговора послати поштом уз обавезу корисника да примјерке Министарства врати у року од 8 (осам) дана.
- (3) Корисници бесповратних средстава према Уговору о додјели дужни су:
 - a) одобрена финансијска средства користити у складу са пројектном пријавом и Уговором о додјели;
 - b) у року дефинисаном у Уговору о додјели, доставити потребну документацију за правдање додијељених финансијских средстава, као и извршења других преузетих обавеза у складу са додијељеним средствима.
- (4) Са подносицом пријава, са коначне листе корисника кредитних средстава чије је захтјеве накнадно верификовала Банка, уговор закључује Банка. Праћење утрошка кредитних средстава врши Банка у сарадњи са Министарством.

ДИО ПЕТИ – ПРЕЛАЗНЕ И ЗАВРШНЕ ОДРЕДБЕ**Члан 20.**

(Престанак важења Правилника)

Даном ступањем овог Правилника престаје да важи Правилник о поступцима у провођењу Програма развоја мале привреде ("Службене новине Федерације BiH", бр. 50/13, 55/13 и 86/13).

Члан 21.

(Ступање на снагу)

Овај Правилник ступа на снагу наредног дана од дана објављивања у "Службеним новинама Федерације BiH".

Број 05-02-196/24

24. априла 2024. године

Мостар

Министар
Војин Мијатовић, с. р.

На основу члана 13. Закона о потicanju razvoja male privrede ("Službene novine Federacije BiH", broj 19/06 i 25/09), federalni ministar razvoja, poduzetništva i obrta donosi

PRAVILNIK**O POSTUPCIMA U PROVOĐENJU PROGRAMA RAZVOJA MALE PRIVREDE****DIO PRVI - OPŠTE ODREDBE****Član 1.**

(Predmet)

Pravilnikom o postupcima u provođenju Programa razvoja male privrede (u dalnjem tekstu: Pravilnik) uređuju se postupci u provođenju Programa razvoja male privrede (u dalnjem tekstu: Program razvoja): metodologija rada, kojom se osigurava javnost rada i definišu faze kreiranja i provedbe Programa razvoja, učesnici u provođenju Programa razvoja, prava i obaveze učesnika u provođenju Programa razvoja, kao i ostale oblasti definisane članom 13. Zakona o poticanju razvoja male privrede ("Službene novine Federacije BiH", broj 19/06 i 25/09).

Član 2.

(Definicije)

U smislu ovog Pravilnika pojedini izrazi imaju sljedeće značenje:

- a) Program razvoja male privrede je višegodišnji akt koji sadrži pregled stanja i trendove u oblasti male privrede; projekciju željenog stanja na kraju perioda obuhvaćenog Programom razvoja; ciljeve u razvoju male privrede; mjere razvoja male privrede; visinu i izvore sredstava potrebnih za realizovanje razvoja, uključujući obavezno finansijska sredstva i primjenu kriterijeva ujednačenosti razvoja male privrede, pri čemu se, kao sredstva razvoja, mogu koristiti sva raspoloživa sredstva čije korištenje nije zabranjeno zakonom; rokove realizovanja mjera razvoja i indikatore uspješnosti i monitoring nad realizovanjem programiranih ciljeva.
- b) Program poticaja (u dalnjem tekstu Program) je godišnji akt, proistekao iz Programa razvoja, u kojem su prezentovani projekti putem kojih Federalno ministarstvo razvoja, poduzetništva i obrta (u dalnjem tekstu Ministarstvo) ima za cilj dati finansijsku podršku, u okviru raspoloživih sredstava, svim potencijalnim korisnicima koji zadovoljavaju postavljene kriterije.
- c) Smjernice za podnosiče projektnih prijava (u dalnjem tekstu Smjernice) u kontekstu ovog Pravilnika podrazumijeva akt kojim se obrazlaže javni konkurs, te

- prezentuju kriteriji odabira potencijalnih korisnika po pojedinim projektima;
- d) Projektna prijava za dodjelu finansijskih sredstava je ona prijava koja sadrži ispravno popunjeno obrazac projektnog prijedloga sa svim pratećim prilozima.
 - e) Obrazac projektnog prijedloga podrazumijeva uredno popunjeno istoimeni obrazac u elektronskoj formi.
 - f) Prilozi su dokumenti, zahtijevani javnim konkursom, koji dokazuju ispravnost svih navoda u obrascu projektnog prijedloga i potvrđuju da podnositelj prijave ispunjava sve uslove javnog konkursa.
 - g) Javni konkurs za odabir korisnika finansijskih sredstava (u dalnjem tekstu: Javni konkurs) u kontekstu ovog Pravilnika je postupak putem kojeg Ministarstvo otvara mogućnost svim zainteresovanim subjektima, iz kategorije potencijalnih korisnika, da se prijave u određenom vremenskom okviru za jedan od vidova finansijske podrške i time ostvare određenu korist.
 - h) Potencijalni korisnik je kategorija korisnika sredstava koji ima pravo učešća na Javnom konkursu.
 - i) Korisnik programskih sredstava u kontekstu ovog Pravilnika, jeste kategorija korisnika koja je zadovoljila kriterije Javnog konkursa, rangirana je na konačnoj rang listi korisnika, te s kojom je Ministarstvo potpisalo ugovor.
 - j) Finansijska sredstva u vidu programske podrške obuhvataju transfere, subvencije i kredite date kroz budžet krajnjim korisnicima.
 - k) Projekat je model organizovanja sinhronizovanih aktivnosti koji služi kao alat pri ostvarenju ciljeva u postavljenim finansijskim i vremenskim okvirima.

Član 3.

(Načela ovog pravilnika)

Načela ovog pravilnika su:

- a) zakonitost: sve radnje u izradi i provedbi Programa su u skladu sa važećim propisima;
- b) transparentnost: Program je na raspolaganju krajnjim korisnicima u čitljivom formatu;
- c) ekonomičnost (u kontekstu javnih finansija): prihvatljivi ostvareni učinci u odnosu na ciljeve utvrđene javnim politikama;
- d) efikasnost i efektivnost: ostvarenje cilja uz minimalne resurse i izbjegavanje nepotrebnih troškova (raditi na ispravan način), te ostvarivanje očekivanih rezultata (raditi stvari na pravi način);
- e) odgovornost: profesionalno izvršenje svih preuzetnih obaveza kroz dodijeljena rješenja, uvažavajući zakonsku regulativu i važeći Pravilnik (biti profesionalan i nepristrasan).

Član 4.

(Primjena Pravilnika)

- (1) Dodjela bespovratnih (grant) i kreditnih finansijskih sredstava iz budžeta odnosi se na projekte za čiju se realizaciju dodjeljuju sredstva iz budžeta u okviru Programa koje donosi Vlada Federacije Bosne i Hercegovine (u dalnjem tekstu: Vlada), na prijedlog Ministarstva, za koje se raspisuje Javni konkurs.
- (2) Bespovratna finansijska sredstva iz budžeta koja se dodjeljuju bez objave Javnog konkursa nisu predmet ovog Pravilnika.
- (3) Implementacija međunarodnih projekata bit će definisana zasebnim aktima potpisanim sa donatorima ili implementatorima međunarodnih projekata, u suprotnom primjenjivat će se ovaj Pravilnik.

DIO DRUGI - METODOLOGIJA RADA

Član 5.

(Faze kreiranja i provedbe Programa)

Ministarstvo kreira i provodi Program u sljedećim fazama:

- a) Faza I - Kreiranje i donošenje Programa
- b) Faza II - Implementacija Programa
- c) Faza III - Praćenje i evaluacija

FAZA I - Kreiranje i donošenje Programa

Član 6.

(Kreiranje Programa)

- (1) Program razvoja na prijedlog Ministarstva odlukom usvaja Vlada.
- (2) Na osnovu Programa razvoja donosi se Program kojim se utvrđuju prioriteti poticaja u skladu sa raspoloživim sredstvima i u skladu sa odredbama Zakona o izvršenju budžeta Federacije Bosne i Hercegovine za budžetsku godinu.
- (3) Program donosi Vlada na prijedlog Ministarstva u formi odluke o usvajanju programa utroška sredstava.
- (4) Pripremi Programa prethode radnje:
 - a) analiziranje problema i potreba potencijalnih korisnika, kretanja tržišta, vodeći se zacrtanim ciljevima, a sve u težnji što boljeg informisanja;
 - b) detaljna analiza prikupljenih inputa u težnji za kreiranjem najbolje verzije Programa;
 - c) ispitivanje Programa sa aspekta zakonitosti, budžetskog okvira, tehničkih i ljudskih kapaciteta, te da li se njime ostvaruju postavljeni ciljevi.
- (5) Za izradu Programa federalni ministar razvoja, poduzetništva i obrta (u dalnjem tekstu Ministar) može imenovati radnu grupu u koju se pored zaposlenika Ministarstva mogu angažirati i stručnjaci iz određene oblasti.
- (6) Kreirani Programi moraju sadržavati naziv i vrstu projekta, te u okviru svakog pojedinog projekta utvrđuju se i sljedeći elementi: iznos sredstava, svrha projekta, kriteriji za raspodjelu sredstava i kategorije korisnika sredstava.

Član 7.

(Javni konkurs)

- (1) Na osnovu Odluke o usvajanju godišnjeg Programa Ministarstvo raspisuje Javni konkurs. Javni konkurs se objavljuje u "Službenim novinama Federacije BiH", na web stranici Ministarstva i u najmanje dvoje dnevne novine dostupne u Federaciji Bosne i Hercegovine.
- (2) Ministarstvo zadržava pravo da ponisti Javni konkurs zbog opravdanih razloga koji se nisu mogli predvidjeti u vrijeme objave Javnog konkursa.
- (3) Javni konkurs obavezno sadrži:
 - a) predmet konkursa;
 - b) naziv projekata, iznos sredstava po projektu, svrhu, kriteriji i kategorije korisnika sredstava;
 - c) pravo sudjelovanja;
 - d) sadržaj prijave za sudjelovanje na Javnom konkursu;
 - e) evaluaciju i odabir korisnika;
 - f) način podnošenja prijave;
 - g) ostale odredbe.
- (4) Ministarstvo uz Javni konkurs, za svaki projekat, objavljuje i Smjernice, prateće obrasce i priloge.

FAZA II - Implementacija Programa

Član 8.

(Komisija za odabir korisnika sredstava)

- (1) Pristigle projektnе prijave razmatra Komisija za odabir korisnika sredstava (u dalnjem tekstu: Komisija za odabir), ako su dostavljeni:
 - a) Obrazac projektnog prijedloga,

- b) Prilozi.
- (2) Komisiju za odabir imenuje Ministar. Članovi Komisije za odabir po jednom projektu, ne mogu ujedno biti članovi Komisije za praćenje utroška dodijeljenih sredstava istog tog projekta.
 - (3) Komisija za odabir mora imati minimalno tri člana iz reda državnih službenika zbog potencijalnog preglašavanja u odlučivanju i minimalno jedno tehničko lice za obavljanje administrativno tehničkih poslova koja nema pravo odlučivanja.
 - (4) Komisija za odabir donosi Poslovnik o radu kojim definije način rada. Poslovnik o radu potpisuju svi članovi komisije.
 - (5) Sve procese Komisija za odabir vrši u fizičkoj i/ili digitalnoj formi ovisno o dostupnim platformama za rad.
 - (6) Svi predmeti moraju biti uredno arhivirani po definisanom redoslijedu, te imati i rezervnu (backup) arhivu u formi skeniranih dokumenata (dužnost tehničkog lica) i postavljeni na dostupne platforme Ministarstva.

Član 9.

(Sadržaj projektnе prijave)

- (1) Projektna prijava mora sadržavati uredno popunjeno obrazac projektnog prijedloga i sve priloge tražene Javnim konkursom, a definisane Smjernicama.
- (2) Obrazac projektnog prijedloga je obavezno popuniti u elektronskoj formi (rukom pisane prijave nisu dozvoljene). Obrazac projektnog prijedloga se objavljuje u elektronskom formatu (PDF, Word, Excel...) ili kroz drugi vid digitalne prijave, ovisno o dostupnim platformama za rad.
- (3) Lista priloga ovisi o specifičnosti samog projekta i definisana je Smjernicama. Prilozi se prilaže na način definisan Smjernicama.

Član 10.

(Bodovanje i rangiranje)

- (1) Projektnе prijave za dodjelu bespovratnih sredstava vrednuje Komisija za odabir i dodjeljuje određeni iznos bodova na osnovu kriterija propisanih u Javnom konkursu i Smjernicama za pojedine projekte.
- (2) Na osnovu dodijeljenih bodova Komisija za odabir predlaže potencijalnu rang listu korisnika bespovratnih sredstava do visine planiranih sredstava za pojedine projekte, koju odobrava Ministar. Potencijalna rang lista se objavljuje u "Službenim novinama Federacije BiH" i na web stranici Ministarstva.
- (3) Podnositac projektnе prijave može uložiti prigovor Ministarstvu u roku od osam dana od dana objave potencijalne rang liste u "Službenim novinama Federacije BiH", radi provjere činjenica i objektivnosti ocjene prijave.
- (4) Nakon razmatranja pristiglih prigovora, Komisija za odabir predlaže konačnu rang listu korisnika bespovratnih sredstava.
- (5) Na osnovu prijedloga iz stava (4) ovog člana, konačnu odluku o dodjeli bespovratnih sredstava donosi Ministar. Konačna rang lista se objavljuje na web stranici Ministarstva.
- (6) Sve aktivnosti vezane za objave na web stranici Ministarstva, "Službenim novinama Federacije BiH", te drugim vidovima oglašavanja organizuje sekretar Ministarstva uz pravovremeno dostavljanje naloga od strane Komisije za odabir.

Član 11.

(Zaključivanje ugovora)

- (1) Komisija za odabir dužna je da za sve korisnike izvrši pripremu Ugovora o dodjeli poticajnih finansijskih sredstava i provesti proces zaključivanja ugovora sa krajnjim korisnicima.

- (2) Po okončanju potpisa ugovora Komisija za odabir dostavlja Odsjeku za finansijske i računovodstvene poslove Ministarstva potrebne podatke za isplatu sredstava iz budžeta.

Član 12.

(Izvještavanje)

- (1) Po okončanju svoga rada Komisija za odabir je dužna sačiniti izvještaj o svome radu i dostaviti ga Ministru, a ukoliko se ukaze potreba dužna je i periodično izvještavati Ministra. Finalni izvještaj sa kompletним tabelarnim pregledom projektnih prijava dostavlja se nadležnom sektoru koji u okviru svoga rada vodi registar poticaja Ministarstva, te pravi sumarni izvještaj sa efektima provedenih Programa koji se dostavlja Vladi.
- (2) Ukoliko Komisije za odabir ne budu radile kroz digitalne platforme, koje po automatizmu vode evidenciju, dužne su usaglasiti jednoobrazno tabelarno evidentiranje u kojoj će biti zavedeni svi bitni elementi potrebeni za analize i izvještavanje u predstojećem periodu.

Član 13.

(Krediti)

- (1) Projektne prijave za dodjelu kreditnih sredstava vrednuje Komisija za odabir i dodjeljuje određeni iznos bodova na osnovu kriterija propisanih u Javnom konkursu i Smjernicama.
- (2) Na osnovu dodijeljenih bodova Komisija za odabir predlaže rang listu potencijalnih korisnika kreditnih sredstava, koju odobrava Ministar.
- (3) Ministarstvo pismenim putem (poštom ili elektronski) obavještava svakog podnosioca prijave za dodjelu sredstava o njegovom statusu sa uputstvima o daljim radnjama koje treba poduzeti u vezi sa podnesenom prijavom.
- (4) Podnosioci prijave mogu uložiti prigovor u roku od osam dana od dana prijema obavijesti, radi provjere činjenica i objektivnosti ocjene prijave.
- (5) Nakon razmatranja pristiglih prigovora, Komisija za odabir predlaže konačnu rang listu potencijalnih korisnika kreditnih sredstava. Konačnu rang listu odobrava Ministar.
- (6) S konačne rang liste potencijalnih korisnika kreditnih sredstava, Ministarstvo dostavlja Razvojnoj banci Federacije Bosne i Hercegovine (u daljem tekstu: Banka) prijave za dodjelu sredstava sa svim prilozima, do visine raspoloživih sredstava definisanih u Odluci o usvajanju godišnjeg Programa. Dalju obradu prijava za dodjelu kredita vrši Banka.
- (7) Ukoliko potencijalni korisnici sredstava ne ispune potrebne uslove za dodjelu kredita po procedurama Banke, nakon obavijesti Banke Ministarstvo će s konačne rang liste potencijalnih korisnika kreditnih sredstava, dostaviti Banci sljedeće rangirane prijave na dalju obradu.
- (8) Na prijedlog Banke, odluku o dodjeli kreditnih sredstava donosi Ministar.
- (9) Konačni rezultati Javnog konkursa objavljaju se na web stranici Ministarstva.
- (10) Na dodjelu kreditnih poticajnih sredstava shodno se primjenjuju odredbe članova 8., 9., i 12. ovog Pravilnika.
- (11) Ukoliko u procesu implementacije projekta korisnik iskaže potrebu za prenamjenom u odnosu na prvobitni projekat, Komisija za odabir može uz saglasnost Ministra odobriti prenamjenu samo ukoliko prenamjena ne utiče na bodovanje i poziciju korisnika na rang listi, te ukoliko je u okviru osnovne djelatnosti korisnika i minimalno iste vrijednosti kao prvobitni projekat.
- (12) Sve aktivnosti vezane za objave na web stranici Ministarstva, Službenim novinama Federacije BiH, te drugim vidovima oglašavanja organizuje sekretar Ministarstva uz

pravovremeno dostavljanje naloga od strane Komisije za odabir.

FAZA III - Praćenje i evaluacija

Član 14.

(Komisija za praćenje utroška dodijeljenih sredstava)

- (1) Kontrolu nad namjenskim utroškom sredstava Ministarstva vrši Komisija za praćenje utroška dodijeljenih sredstava (u dalnjem tekstu: Komisija za praćenje).
- (2) Komisiju za praćenje imenuje Ministar. Članovi Komisije za praćenje po jednom projektu, ne mogu ujedno biti članovi Komisije za odabir istog tog projekta.
- (3) Komisija za praćenje mora imati minimalno tri člana iz reda državnih službenika zbog potencijalnog preglastavanja u odlučivanju i minimalno jedno tehničko lice za obavljanje administrativno tehničkih poslova koja nema pravo odlučivanja.
- (4) Komisija za praćenje donosi Poslovnik o radu kojim definije način rada. Poslovnik o radu potpisuju svi članovi komisije.
- (5) Sve procese Komisija za praćenje vrši u fizičkoj i/ili digitalnoj formi ovisno o dostupnim platformama za rad.
- (6) Svi predmeti moraju biti uredno arhivirani po definisanom redoslijedu, te imati i rezervnu (backup) arhivu u formi skeniranih dokumenata (dužnost tehničkog lica) i postavljeni na dostupne platforme Ministarstva.

Član 15.

(Praćenje realizacije projekta)

- (1) Komisija za praćenje upoznaje korisnike sredstava o koracima za pravdanje sredstava, upućujući ih na popunu "Izvještaja o namjenskom utrošku finansijskih sredstava Ministarstva" (objavljen na stranici Ministarstva) i kompletiranja prateće dokumentacije.
- (2) Nakon što korisnik dostavi dokumentaciju za pravdanje dodijeljenih sredstava Komisija za praćenje vrši njenu kontrolu i ukoliko uoči nedostatke dužna je obavijestiti korisnika o tome, te uputiti ga na otklanjanje nedostataka i kompletiranje pravdanja u okvirima Ugovorom definisanog roka.
- (3) Komisija za praćenje ima osnovnu obavezu da prati namjenski utrošak dodijeljenih sredstava korisnika po projektima koji je prethodno Komisija za odabir obradila. U domenu svoga rada Komisija za praćenje nema pravo samoinicijativno uticati na izmjenu projekta korisniku koji je prethodno odobren kroz rad Komisije za odabir.
- (4) Ukoliko u procesu praćenja utroška korisnik iskaže potrebu za prenamjenom u odnosu na prvočitni projekt, Komisija za praćenje može odobriti prenamjenu samo ukoliko prenamjena ne utiče na bodovanje i poziciju korisnika na rang listi, te ukoliko je u okviru osnovne djelatnosti korisnika i minimalno iste vrijednosti kao prvočitni projekt. Svaka ostala prenamjena mora biti odobrena od strane Ministra.
- (5) Ukoliko u procesu praćenja utroška korisnik iskaže potrebu za produženjem roka za pravdanje sredstava iz opravdanih razloga Komisija za praćenje može odobriti maksimalno produženje do 30 dana. Svako drugo produženje mora biti odobreno od strane Ministra.
- (6) Fizički/terenski monitoring namjenskog utroška sredstava se može uraditi, a uslovjen je ljudskim kapacitetima, budžetskim sredstvima i ostalim ograničenjima. Ukoliko zbog ograničenja nije moguće sve korisnike posjetiti, Komisija za praćenje pravi prijedlog liste korisnika koje smatra da je potrebno posjetiti, poštujući pravila o finansijskom upravljanju i kontroli, (razlozi mogu biti sumnja u dostavljenu dokumentaciju, kompleksnost projekta i slično) i dostavlja Ministru na odobravanje. Izvještaj o izvršenoj terenskoj posjeti je obavezno uraditi i priložiti uz ostatak dokumentacije predmeta.

- (7) Konačan ishod namjenskog utroška sredstava od stane korisnika može biti:
 - a) realizovao projekat (ispštovalo ugovorene obaveze)
 - b) nije realizovao projekat (nije ispoštovalo ugovorene obaveze)
 - c) sporazumno raskid ugovora na zahtjev korisnika uz povrat dodijeljenih sredstava najkasnije 30 (trideset) dana od potpisivanja ugovora (u navedenom slučaju gubi status korisnika i briše se iz registra poticaja Ministarstva).

Član 16.

(Izvještavanje)

- (1) Ukoliko korisnik nije uspješno realizovao projekat Komisija za praćenje je dužna u finalnom izvještaju istaknuti osnov kršenja ugovorenih obaveza, te dati prijedlog za poduzimanje daljih mjera u skladu sa Zakonom o poticanju razvoja male privrede ("Službene novine Federacije BiH", br. 19/06 i 25/09).
- (2) Po okončanju svoga rada Komisija za praćenje je dužna sačiniti izvještaj o svome radu i dostaviti ga Ministru, a ukoliko se ukaže potreba dužna je i periodično izvještavati Ministra. U finalnom izvještaju moraju biti vidljivi elementi evaluacije provedenog Programa.
- (3) Finalni izvještaj se predaje Odsjeku za pravne i opće poslove Ministarstva koji dalje postupa po Zakonu o poticanju razvoja male privrede ("Službene novine Federacije BiH", br.: 19/06 i 25/09), a spomenuti odsjek dalje ima internu komunikaciju sa nadležnim sektorom Ministarstva koji vodi evidenciju o registru poticaja.
- (4) Po okončanju svih faza kreiranja i provedbe Programa, finalni izvještaji sa svim potrebnim podacima i urađenim evaluacijama, predaju se nadležnom sektoru koji u okviru svoga posla ima zadatku da napravi sumarni izvještaj sa efektima provedenih Programa i dostavlja ga Vladi.
- (5) Ukoliko Komisije za praćenje ne budu radile kroz digitalne platforme, koje po automatizmu vode evidenciju, dužne su usaglasiti jednoobrazno tabelarno evidentiranje u kojoj će biti zavedeni svi bitni elementi potrebni za analize i izvještavanje u predstojećem periodu.

DIO TREĆI – UČESNICI PROGRAMA

Član 17.

(Pravo učešća)

- (1) Pravo učešća na Javnom konkursu imaju potencijalni korisnici opisani u dijelu Javnog konkursa koji se odnosi na kategoriju korisnika sredstava.
- (2) Sjedište, odnosno prebivalište svih kategorija korisnika sredstava treba biti na području Federacije Bosne i Hercegovine.
- (3) Vlada može utvrditi da korisnici sredstva u određenom projektu budu i subjekti male privrede čije je sjedište na području Bosne i Hercegovine.

Član 18.

(Korisnici koji nemaju pravo učešća)

Pravo učešća na Javnom konkursu nemaju:

- a) korisnici koji imaju aktívne zabrane po osnovu ranije dobivenih finansijskih sredstava Ministarstva;
- b) potencijalni korisnici koji imaju evidentirane dugove po osnovu javnih prihoda (eventualno izuzeće ukoliko klijent ima sporazum o reprogramu obaveze);
- c) potencijalni korisnici kojima je izrečena pravosnažna presuda za krivično djelo učešća u kriminalnim radnjama, za korupciju, prevaru ili pranje novca.
- d) sve ostale kategorije korisnika, te potencijalnih korisnika koji nemaju pravo učešća na Javnom konkursu definisati će se Smjernicama.

DIO ČETVRTI – PRAVA I OBAVEZE UČESNIKA U PROVOĐENJU PROGRAMA

Član 19.

(Ugovaranje)

- (1) Ministarstvo zaključuje Ugovor o dodjeli poticajnih finansijskih sredstava (u dalnjem tekstu: Ugovor o dodjeli) sa podnosiocima prijava sa konačne liste korisnika besporvratnih sredstava. Ugovor o dodjeli definije međusobna prava i obaveze ugovornih strana, način i dinamiku utroška dodijeljenih finansijskih sredstava.
- (2) Zaključivanje Ugovora o dodjeli sa krajnjim korisnicima obavljat će se u prostorijama Vlade, Ministarstva ili drugim mjestima, o čemu će se krajnji korisnici na vrijeme obavijestiti. Ukoliko postoji opravdan razlog za nemogućnost dolaska nekog od korisnika na potpis Ugovora o dodjeli, dozvoljeno je primjerke ugovora poslati poštom uz obavezu korisnika da primjerke Ministarstva vrati u roku od 8 (osam) dana.
- (3) Korisnici besporvratnih sredstava prema Ugovoru o dodjeli dužni su:
 - a) odobrena finansijska sredstva koristiti u skladu sa projektnom prijavom i Ugovorom o dodjeli;
 - b) u roku definisanom u Ugovoru o dodjeli, dostaviti potrebnu dokumentaciju za pravdanje dodijeljenih finansijskih sredstava, kao i izvršenja drugih preuzetih obaveza u skladu sa dodijeljenim sredstvima.
- (4) Sa podnosiocima prijava, sa konačne liste korisnika kreditnih sredstava čije je zahtjeve naknadno verifikovala Banka, ugovor zaključuje Banka. Praćenje utroška kreditnih sredstava vrši Banka u saradnji sa Ministarstvom.

DIO PETI – PRELAZNE I ZAVRŠNE ODREDBE

Član 20.

(Prestanak važenja Pravilnika)

Danom stupanjem ovog Pravilnika prestaje da važi Pravilnik o postupcima u provođenju Programa razvoja male privrede ("Službene novine Federacije BiH", br. 50/13, 55/13 i 86/13).

Član 21.

(Stupanje na snagu)

Ovaj Pravilnik stupa na snagu narednog dana od dana objavljivanja u "Službenim novinama Federacije BiH".

Broj 05-02-196/24

24. aprila 2024. godine

Mostar

Ministar

Vojin Mijatović, s. r.

FEDERALNO MINISTARSTVO POLJOPRIVREDE, VODOPRIVREDE I SUMARSTVA

660

Na temelju članka 122. stavak (3) Zakona o poljoprivrednom zemljištu ("Službene novine Federacije BiH", broj: 52/09), federalni ministar poljoprivrede, vodoprivrede i sumarstva donosi

PRAVILNIK

O IZMJENI PRAVILNIKA O UVJETIMA I NAČINU KORIŠTENJA SREDSTAVA OSTVARENIH OD ZAMJENE, ZAKUPA I KONCESIJE POLJOPRIVREDNOG ZEMLJIŠTA U VLASNIŠTVU DRŽAVE

Članak 1.

U Pravilniku o uvjetima i načinu korištenja sredstava ostvarenih od zamjene, zakupa i koncesije poljoprivrednog zemljišta u vlasništvu države ("Službene novine Federacije BiH", broj 78/09), u članku 6. tabela br. 1. mijenja se i glasi:

Tabela br. 1

	oranice			zapušteno
	vrtovi			trstici
	voćnjaci	livade	pašnjaci	močvarne
	masliničari			neplođno
	vinogradni			
početna cijena – za područja iznad 1000 mnv*	zakup, dugogodišnji zakup KM/ha			
75	50	30	20	10
početna cijena – za područja iznad 600 mnv*				
150	100	80	30	

* metara nadmorske visine"

Članak 2.

Ovaj Pravilnik stupa na snagu narednog dana od dana objavljivanja u "Službenim novinama Federacije BiH".

Broj 03-2-02-1-424-1/24

Travnja 2024. godine
Sarajevo

Ministar
Kemal Hrnjić

Ha osnovu člana 122. stav (3) Zakona o poljoprivrednom zemljištu ("Službene novine Federacije BiH", broj 52/09), federalni ministar poljoprivredne, vodoprivredne i šumarstva donosi

ПРАВИЛНИК О ИЗМЈЕНИ ПРАВИЛНИКА О УСЛОВИМА И НАЧИНУ КОРИШЋЕЊА СРЕДСТАВА ОСТВАРЕНИХ ОД ЗАМЈЕНЕ, ЗАКУПА И КОНЦЕСИЈЕ ПОЉОПРИВРЕДНОГ ЗЕМЉИШТА У ВЛАСНИШТВУ ДРЖАВЕ

Члан 1.

У Правилнику о условима и начину коришћења средstava oствarenih od zamjene, zakupa i koncesije poljoprivrednog zemljišta u vlasništvu države ("Službene novine Federacije BiH", broj 78/09), u članu 6. tabele br. 1. mijenja se i glasi:

Tabela br. 1

	оранице			запуштено
	вртови			трстичи
	воћњаци	ливаде	паљњаци	моћваре
	маслинничари			neplođno
	виногради			
почетна цијена – за подручја изнад 1000 мњв*	закуп, дугогодишњи закуп KM/ha			
75	50	30	20	10
почетна цијена – за подручја изнад 600 мњв*				
150	100	80	30	

* метара надморске висине"

Члан 2.

Ovaj Pravilnik stupa na snagu narednog dana od dana objavljuvanja u "Službenim novinama Federacije BiH".

Априла 2024. године
Сарајево

Министар
Кемал Хрњић